

Anno 1639. vivorum numero exemptis, Ferdinandus Carolus Archi-Dux Proceres Familiæ Præclaræ de Kûnigl Dapiferos Hæreditarios fecit, (l) Vitus Kunigl Baro de Ehrenburg primus hanc spartam nactus est, ei successit Filius Johannes Georgius, qui Carolum Josephum Anno 1658. natum, Successorem in Officio habuit. (m)

GORITIÆ Dapifer Hæreditarius An. 1661. Jerobe Comes Kisl de Kaltenbrunn inauguratus est, (n) eoque sine prole mortuo, Johannes Philippus Comes de Cobenzl Consiliarius Cæsareus Intimus & Supremus Capitaneus Goritiæ ista dignitate ornatur. Fuit is Johannis Caspari Baronis Filius, Philippi Locumtenentis Goritiæ & Vice-Domini Carniolæ Nepos, Udalrici Pronepos, cujus Frater Johannes Cobenzl, Liber Baro de Prosegg, Teutonici Ordinis Eques & Commendator, ob singularia in Austriacam Domum merita, per varios honorum gradus eventus, Locumtenens Tergesti, Capitaneus Gradiscæ, Cancellarius & Camerae Præses Styriæ, Capitaneus Carniolæ; in Imperio sæpius Legatus, Romæ pariter & in Moscovia, sub duobus Cæsaribus Maximiliano & Rudolpho legatione feliciter functus est. (o) Recessus Imperii etiam duos unum de Anno 1584. alterum de An. 1594. nomine Serenissimæ Domus Austriacæ subscripsit. In ultimo hujuscemodi ipsi titulus tribuitur: Johann Cobenzl von Prosegg / Freyherr zu Lueg / Mofsau und Leutenburg / Lands-Hauptmann in Grain / Teutscher Ordens-Ritter / Land-Commendantur zu Wienn und der Neustadt / und Prior zu Brixenen. Hodie Dapiferatus Officium incumbit Johanni Casparo Comiti de Cobenzl Consiliario Imperatoris Intimo, Capitaneo Provinciali Goritiæ & Catholicæ Majestatis Primo Camerario.

(a) Pag. 193. (b) Archivum Puechaimianum. (c) Ibi. (d) Ibi. (e) Archiv. Feudal. Græzense. (f) Ex Archiv. Hardeccensi. (g) Lib. VI. pag. 179. (h) Lib. IX. pag. 12. (i) Ibi. (k) Idem Lib. XI. pag. 385. (l) Brandis im Tyrolischen Adlers Ehren-Kränzel pag. 121. (m) Bucelin. Germ. Part. II. (n) Archiv. Feudal. Græzens. (o) Ex Documentis Famil.

CAPUT X.
DE ARCHIMAGIRIS five HÆ-
REDITARIIS REI CULINA-
RIÆ PRÆFECTIS.

Inter Cæteros Imperatorum, Regum, Summorumq; Principum
Aulicos Officiales, quibus Eorum dignitas illustrior, ministe-
rium